



Aningaasaqarnermut Naalakkersuisoq

Ulloq: 01. februar 2021
J.nr.: 01.31.06/21-00926

Aningaasaqarnermut Akileraartarnermullu Ataatsimiititaliap tallimangornermi ulloq 29. januar 2021-mi aalajangernera pillugu Naalakkersuisunut ilisimatitsissut.

1. Suliffeqarnermut ikiorsiissutinik, ajornartoortoqarnerani ikiorsiissutinik aamma ingerlatsineranut ikiorsiissutinik taakkunungalu malittarisassanik atuutilersitsineq – Suliaq 01.31.06/21-926 (Nukingussassaq)

”Naalakkersuisut inassutigaa,

- kontomi pingarnermi 20.10-34 aningaasaliissutit 45,0 mio. kr.-nik qaffanneqassasut,
- Inatsisartut Aningaasaqarnermut Akileraartarnermullu Ataatsimiititaliaanit akuerineqartumik qinnuteqarnissamut periarfissiilluni takornariartitsineramik inuussutissarsiortunut suliffeqarfinnullu COVID-19-ip kinguneranik matunissamik Naalakkersuisunit peqquneqartunut ikiorsiissutit pingasut atuutilersinneqassasut. Ikiorsiissutit qaammatisiutit malillugit qaammatinut januaarimiit juunimut 2021 atuutissapput, kisiannili ingerlatsineranut ikiorsiissutit Kalaallit Nunaannut tikinnermi ulluni tallimani mattusimanissap Naalakkersuisunit atorunnaarsinneqarneranit ullut 30-t qaangiunneranni kingusinnerpaamillu ulloq 30. juuni 2021 atorunnaassallutik.
- Inuussutissarsiornermut Aatsitassanullu Naalakkersuisoq takornariartitsineramik inuussutissarsiuteqartunut ikiorsiissutinut pingasunut najoqqutassiat oqaasertaasa allangortinnissaannik piginnaatinneqassasoq.”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

CoVid.19-ip ajornartoortitsinerata Kalaallit Nunaanni Inuussutissarsiutinik ingerlatsisunut kingunerititai suli ilungersunartuusut ataatsimiititaliamit maluginiarneqarpoq. Ikiorsiissummik matuminnga Kalaallit Nunaanni takornarialerineq isiginiarneqarpoq, tassunga atatillugu ataatsimiititaliaq apeqqutissaqarlunilu oqaaseqaatissaqarpoq:

Sanaluttartut:

Takornialerisunut ikiorsiissutinut tunngatillugu ataatsimiititaliamit erseqqissaatigumaneqarpoq takornialerineranut atatillugu arlalinnik, aamma isertitaqarniarnikkut amigaateqarnermik eqqugaasunik malitsit inuussutissarsioriaaseqartoqarmat. Inuussutissarsiortut taakku ilaat tassaapput sanaluttartut suliaminnik takornarianut tunitsivissaaruttut. Tassunga atatillugu ataatsimiititaliaq ukuninnga apeqqutissaqarpoq:

1. Eqqumiitsuliortut taakku isertitassaraluatut annaasaat pillugit naatsorsuinernik Naalakkersuisut missingersuutaateqarpat?
2. Siunissami eqqumiitsuliortunik taakkuninnga ikiuniarluni periarfissanik sunik Naalakkersuisut takusaqarsinnaappat?

Akiliunneqarluni sulinngiffeqarluni Kalaallit nunaanni namminermi angalasinnaanermik siuarsaaneq.

2020-mi maajimi Naalakkersuisut sulinermillu inuussutissarsiortut kattuffii Kalaallit Nunaanni namminermi akiliunneqarluni sulinngiffeqarluni angalasarnerit akileraarutigisussaanginneri pillugit isumaqatigiissuteqarput, taamaalillutillu akunnittarfinni unnuinerit aamma tamatumunnga ilaatinneqalerlutik. Isumaqatigiissut taanna 2020-miit 2021-mut ikaarsaarnermi atorunnaarpoq. Tassunga atatillugu ataatsimiititaliaq ukuninnga apeqquutissaqarpoq:

3. Taamak 2020-mi isumaqatigiissutaasup assinganik annertusisamik akileraarutiginnittussaanginnermik eqqusseqqissinnaaneq Naalakkersuisunit qanoq isumaqarfigineqarpa?
4. Tamanna pillugu Sulinermik inuussutissarsiutillit kattuffiinik isumaqatigiinniaqatigiinnissamik suliniuteqarnissamik Naalakkersuisut pilersaaruteqarpat?

Sinerissamut qanittumi aalisarneq:

Konto pingaarnermut 20.10.34-mut oqaasertaliussaq naapertorlugu Naalakkersuisut ilaatigut sinerissamut qanittumi ikiorsiissutinik tunniussinissamut ataatsimiititaliamit piginnaatitaaffilerneqarsinnaapput. Tassunga atatillugu ataatsimiititaliamit oqaatigineqassaaq sinerissamut qanittumi aalisarnermut ikiorsiissutit 2020-miit 2021-mut ikaarsaarnermi atorunnaarput. Aalisarnermut, Piniarnermut Nunalerinermullu Naalakkersuisoq Jens Emmanuelsen ulloq 5. januar 2021-mi Naalakkersuisut sinnerlugit oqaaseqarpoq, aalisarnermi ikiorsiissutit pillugit 2020-mi suleqatigiissitap pilersinneqaqqittoq. Suleqatigiissitap tassunga atatillugu misissussallugu sinerissamut qanittumi aalisarnermut ikiorsiissutinik nutaanik 2021-mi pisariaqartitsisoqassanersoq. Tassunga atatillugu ataatsimiititaliaq Naalakkersuisunut ima apeqquutissaqarpoq:

5. Suleqatigiissitap suliarnik sularinninnermini sumut killippa?
6. Ikiorsissutinik tunniussinissaaneq eqqarsaatigalugu qaqugu suleqatigiissitap suliarni inerneranik saqqummiussinissaaneq naatsorsuutigineqarpa?
7. Siunissami aalisarnermi inuussutissarsiutinik ingerlatsisunut mikinerusunut ikiorsiissutinik tunniussinissaaneq pillugu qanoq suleqatigiissitap isiginneriaaseqarpa?
8. Aalisartunut inuusuttunut aallarlerlaanut, suli aalisartutut pioreersutut anginerusunik aalisariutaatilittut ikiorsiissutinik pisariaqartitsineq pillugu uppersaasiisinnangitsunut ikiorsiisinnaanermut tunngatillugu ajornartorsiutit suut Naalakkersuisunit siumorneqarsimappat?
9. Kalaallit Nunaannut tunngatillugu nunat tamat akornanni tunitsiveqarniarnikkut pissutsit qanoq isikkoqarpat, kiisalu aalisarnermi isertitaqarniarnikkut siunissami unammillernartut suut Naalakkersuisunit takorloorneqarpat?

Ikiorsissutit allat:

10. 2021-mi ikiorsiissutinik allanik atuutsitsilernissamik pisariaqartitsisinnaneq qanoq Naalakkersuisunit nalilerneqarpa?

Ikiorsiissutit pillugit paasissutissanik tamanut saqqummiussisarneq:

Ataatsimiititaliaq ulloq 29. december 2020-mi Inuusutissarsiornermut Aatsitassanullu Naalakkersuisumut, Jens-Frederik Nielsenimut arlalinnik apeqquaqarpoq. Tamatumani ilaatigut ikiorsiissutinik tiguisut aqqi qanorlu annertutigisunik pissarsineri ataatsimiititaliamit apeqqutigineqarlutik, tamanna soorlu nunani allani taamak pisoqartartoq. Naalakkersuisut taamak iliornissamik pilersaaruteqanngitsut akissummi allassimavoq. Naalakkersuisut tassunga tunngatillugu isummaminnik allannguissasut Aningaasaqarnermut Ataatsimiititaliamit sakkortuumik kaammatorneqassapput, paasissutissanillu taamaattunik tamanut saqqummiussisalermikkut sammisami aqutsiffiginninnermi paasiuminarsaanermut ammasuunermullu tapiuteqaqquneqarlutik.

Aningaasaqarnermut Akileraartarnermullu Ataatsimiititaliamut ilisimatitsisarnerit

Aningaasaqarnermut akileraartarnermullu Ataatsimiititaliaq ikiorsiissutinut qanoq atuisoqartiginera pillugu uteqqiattumik ilisimatinneqartarnissamik kissaateqarpoq.

Aningaasaqarnermut Akileraartarnermullu Ataatsimiititaliap aalajangiinera

Aningaasaqarnermut Akileraartarnermullu Ataatsimiititaliap siuliani allassimaneratut oqaaseqaateqarluni apeqquaqarlunilu Naalakkersuisunit inassuteqaatit **akuersissutigai**.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliami Siulittaasog